

ventur, presenti capitulo decrevimus adiungendum, ut semper ad Spenkirbacensem ecclesiam tanquam ad matrem ecclesiam ipsa respiciat, et ab ea disciplinam et correctionem accipiat, a qua studio et providentia nostra precipue antedictę regulę sumsit exordium. Sprenkirbacensis autem ecclesia omnimodam de vobis in domino sollicitudinem gerat et fratres, ad custodiam vestram inde transmissi, res ecclesię cum consilio magistrę vestrę, quę pro tempore fuerit, salubriter conservent atque disponant. Sorores vero, famulatibus divinis intentę, infra claustrı ambitum se contineant, unde nulla detur eis egrediendi facultas, nisi magistra eas ad alia regularia claustra previderit transmittendas, ut ibi, quę salubria fuerint, doceantur aut doceant, vel sacrum velamen et confirmationis donum suscipiant. Preterea utilitati vestrę promptum cupientes impertiri consultum apostolica auctoritate statuimus, ut parrochiales ecclesię vestrę, cum eas vacare contigerit, idoneis presbiteris aut etiam dyaconibus, qui ad presbiteratus offitium sint in proximo promovendi, solum modo concedantur, et servata eis illa parte decimarum, quam vetus consuetudo provincię vestrę ipsorum usibus deputavit, reliquum earundem decimarum ad usus congregationis vestrę libere revertatur. Hoc quoque capitulo presenti subiungimus, ut ex hoc nunc ab ecclesia vestra nullum beneficium alicui tribuatur, et si aliquod eorum, quę hactenus sunt concessa, eo^a, qui exinde imbenefitiatus est, absque successore legitimo decedente vacuum remanere contigerit, ad usus vestri collegii absque contradictione aliqua revocetur^b. Decernimus ergo, ut nulli omnino hominum liceat, prefatam ecclesiam temere perturbare, aut eius possessiones auferre, vel ablatas retinere, minuere, seu aliquibus vexationibus fatigare, sed inconcussa omnia et integra conserventur eorum, pro quorum gubernatione ac sustentatione concessa sunt, usibus omnimodis profutura, salva dyocesani episcopi canonica iustitia. Si qua igitur in futurum ecclesiastica secularisve persona hanc nostrę constitutionis paginam sciens contra eam temere venire temptaverit, secundo tertiove commonita, nisi presumptionem suam congrua satisfactione correxerit, potestatis honorisque sui dignitate careat, reamque se divino iudicio existere de perpetrata iniquitate cognoscat, et a sacratissimo corpore ac sanguine dei et domini redemptoris nostri Iesu Christi aliena fiat atque in extremo examine districtę ultioni subiaceat. Cunctis autem eidem loco sua

a) Auf Rasur.

b) 'vocat' auf Rasur.